

Deo opt. max. uni & trino, Virgini Deiparae, & sancto Lucae orthodoxorum Medicorum Patrono.

(1649) - May 1349

## QVÆSTIO MEDICA.

Quodlibetariis disputationibus manè discutienda in Scholis Medicorum, die Jovis 19. Novembris.

M. JOANNE POISSON, Doctore Medico, Præside.

*An Bilis præcipua vis in amarore?*

**Q**UEM habent usum in machinis hydraulicis aqua & in pneumaticis aer, eundem in corpore humano spiritus & humores obtinent. Hi vari sunt varæque indolis, omnes in sanguine permixti & confusi ab eo perenniter secernuntur & effluunt in propria vasa, in ipsa (modo sint utiles) refluxuri, ut succus pancreaticus, bilis, limpha: nusquam redituri si prius excrementitii fuerint, qualis urina varique succi per arterias mesentericas ad intestina delati, una cum chyli fecæ per anum excernendi. In humorum utilium exquisita permixtione & æquabili ad se invicem proportionem quam ne conjecturis quidem assequi possibile est, laudabilis temperies consistit, hanc consequuntur caloris & frigoris humiditatis & siccitatis contemperatio. Cum ab ejusmodi exacta mixtione & legitima proportionem recedunt, fit intemperies, unde caloris aut frigoris, humiditatis aut siccitatis molestus excessus. Præpostere philosophantur qui rem secus accipiunt. Non à calore aut frigore, humiditate aut siccitate humoribus inest insignis Facultas. Præcipua vis debetur saporibus.

**S**APORUM nomine hic linguae sensus ne intellexeris, sed causas à quibus motu nervorum linguae excitantur. Hæ, salia sunt in humore fusa vel oris saliva dissoluta. Tot salia tot saporès. Simplicia sunt vel composita. Simplicia duo tantum, alterum acidum & Hippocrati, alterum alkali vocant. Acida salia non unius sunt generis & indolis, omnia cum oppositis effervescent, non secum invicem, excepto spiritu salis qui cum aliis acidis ebullit. Sal pariter alterum non uniusmodi est, aliud fixum, aliud volatile. Omnia vires acidorum infringunt ut & ab ipsis infringuntur. Ab eorum secum invicem & cum principis passivis terra scilicet & aqua variâ mixturâ variis saporibus in quorum aliis acidum dominatur, ut in salso, austero, acerbis, in aliis alterum ipsi oppositum ut in acris & amaro. In Mineralibus plantis animalibus, generatio corruptio alteratio mutationes fere denique omnes, horum salium ministerio, dum permiscuntur aut secernuntur, effervescent vel concresecunt, aculeis pungunt vel demulcent levitate, perficiuntur,

**P**UTIDUM liquamen quod in alvi fluxu, vel purgantium medicamentorum vi excernitur, bilis nomine male insignitur. Hæc liquor est pretiosus in propriis conceptaculis ad suos usus coacervatus, natura sua constanter amarus. Ex chylis primum una cum aliis succis sanguinem constituentibus in corde gignitur. Ad hepar per arteriarum ramulos à cæliaca productos advehitur, & in eo à sanguine cui huc usque permixta fuerat secernitur. Hoc viscus quamvis ad sensum integrum, glandula est conglomerata, plurimis constant lobulis tenui membrana involutis & à se invicem distinctis. Unusquisque lobulus ex pluribus compositus glandulosis acinis, uvam referre videtur. Ad singulos lobulos venæ cavæ, venæ portæ, arteriæque rami & canalis bilarii radices pari numero disperguntur. Istis lobulis tanquam cribris bilis trajicitur & in radices canalis bilarii excutitur, indeque in canalem. Ad hepatis substantia ad vesiculam folliculorum bilis obscurior via: Quominus à canali in Vesiculam fluat obstant valvulæ ejus cervici citra meatus colidoci hiatus appositæ. Bilis vesiculæ tenuior est, canalis crassior, utraque communi ductu in jejunum intestinum delabitur.

**B**ILIS amaror à plurimo sale volatili, paucis acidis, terra & aqua certa proportionem permixtis producitur. Sal volatile dignoscitur, tum ex ejus analysi per ignem facta, tum ex permixtione cum spiritibus acidis quibus cum etiam extra corpus effervescit, paucum saltem acidum demonstrat salis volatilis permanens, quod nusquam solum subsisteret sed promptissime in auras evanesceret. Istius acidi exuperantia bilis concrescit, unde lapidum in vesicula fellis origo. Si minor fuerit copia quam par est, bilis fit acrior & subtilior. Ad intestinum delata chyloque & succo pancreatico permixta pro varia sua indole effervescentiam parit laudabilem vel molestam, quam vitæ commoda vel incommoda sequuntur. Hac effervescentia chyli feces præcipites aguntur in intestina crassa. Ulterius cum chylis ad cor promota bilis iterum effervescit in ejus ventriculis, atque pro amari sui salis natura varios producit effectus, hos inter notissimus calor qui juxta fermentationis modum, naturalis est vel contra naturam.

**C**ALOR & frigus in corpore Facultates sunt omnium minime potentes, præcipue viribus magis insignes sunt acidum, amarum, salsum, austerrum, acerbum, quorum unum quodque homini inest. Quandiu hæc temperata sunt inter se neque conspicua sunt neque hominem lædunt. Ubi horum aliquid secretum fuerit, atque ipsum in se ipso fuerit, tunc conspicuum est & hominem lædit. Ex cibis quicumque ingesti incommodi sunt, horum uniusquisque amarus est, aut salus, aut acidus, aut acer, aut acerbis, aut quacumque simili ratione intemperatus ac fortis. His saporibus in excessu positus salubres nocent, non calore aut frigore quæ actu non in sunt sed salium motum consequuntur. Fallantur qui propter calidum hominem frebricitare putant. Recte judicant qui propter amarum, acidum, salsum, acre, Bilis extra naturæ suæ Cancellis posita calore suo non lædit sed amarore, qui ubi per corpus diffusus est statim & anxietates & æstus & impotentia occupant. Ubi acrior ac æruginosa bilis facta est, statim, morbus viscerum & pectoris, rabies & desperatio.

*Ergo Bilis præcipua vis in amarore.*

DOMINI DOCTORES DISPUTATURI.

M. Petrus Bonnet.  
M. Joannes-Baptista Renatus Moreau.  
M. Nicolaus Pelletier.

M. Renatus le Comte.  
M. Franciscus Assorty.  
M. Nicolaus de Jonvanti.

M. Raphaël Maurin.  
M. Petrus Cressé.  
M. Alexandre-Michaël Denyan.

Proponebat Parisiis PETRUS GAMARE, Parisinus, Baccalaureus Medicus. A. R. S. H. 1682.

